

# Verootmoedigings gebed

2.  
Die gebed

‘O’ VADER, Opperhoof van die hemele; Grote en gedugte Heerser wat die verbond en die goedertierenheid hou vir die wat U liefhet en U gebooie onderhou.

In verootmoediging bring ons onself voor U, U eens uitverkore volk. Laat U oor tog opmerkzaam en U oë oop wees om te luister na die gebede van U volk wat vandag deur die geloof ‘n gebed voor U aangesig plaas; Ja die *Yashar’EL* – volk ‘die verstrooide volk’ anderkant die riviere van Kus ,U knegte, in “Suid Afrika” ‘o’ VADER.

Gruwelik het ek en my familie teen U gerebelleer. Ons het baie verkeerd gehandel teenoor U; Ons het die gebooie, insettinge en verordeninge wat U aan Moses ‘U kneg’ beveel het nie gehou nie. Ons het U aangesien en verkleineer as ‘n “drie enige Magtige”. Nou wetend dat U die Oue van Dae saam met U Seun die Magtige Een regeer. Ons het U in Baal name aangespreek en nou wetend dat dit U toornig maak. So ook dat ons voorvaders ‘n aardseheerser wou hê soos die heidene wat U ontstig.

Ons het tot daardie oortredings besef gekom; Dink tog aan die woord wat U aan Moses ‘U kneg’ beveel het naamlik: “As julle ontrou is sal EK julle onder die volke verstrooi”, maar as julle jul tot MY bekeer en MY gebooie onderhou en dit doen—al was julle verjaagdes aan die einde van die hemel, dan sal EK hulle daarvandaan versamel en hulle bring na die plek wat EK verkies het om MY NAAM daar te laat woon.

Ons is skuldig aan oortredinge; Ons het gruwelik oortree ‘Verkeerd gedoen’ ‘Boos gehandel’ ‘In opstand gekom’ ‘Van U Gebooie en Verordeninge afgewyk’. Ons en ons vaders was halsstarrig wat nie geluister het na U knegte wat in U Naam gespreek het nie.

Aan U ‘o VADER’ kom die eer en geregtigheid toe, maar aan ons beskaming van die aangesig soos dit vandag is; ‘Ja die wat naby en die wat ver is’ in al die lande waarheen U hulle verdryf het oor hulle ontrouheid wat hulle teen U begaan het. VADER aan ons, ons owerstes en aan ons vaders kom toe die beskaming van aangesig omdat ons U Wette geminag het.

Ons vra met smeking o VADER dat U, U Seun spoedig as Regter, Heerser en Koning op hierdie aarde moet kom vestig, want by U o VADER ‘onse VADER’ is barmhartigheid en vergewing. Ons het teen U en U Seun YAHUSHA opgestaan en nie na U stem geluister nie; Hy ‘U Gesalfde’ onse ‘Almagtige Heerser’ nie te wandel in U wette wat U ons deur die diens van U knegte ‘die profete’ voorgehou het nie. *Yashar’EL* het afgewyk ‘nie U Wet onderhou’ en nie na U stem geluister het nie. Hulle het ‘n aardse heersers gesoek en U teleurgestel. Daarom is die vloek en vernietig oor U uitverkore uitgestort wat geskrywe is in die wet van Moses ‘U kneg’.

Ons het teen U ‘o VADER’ en U Seun ‘YAHUSHA’ wetsoortreders geword. Soos dit in die Wet van Moses geskrywe staan dat onguns oor ons sal kom, want ons het die aangesig van U ‘o VADER’ nie om U guns gesmeek nie; Om ons te bekeer van ons ongeregthede en wetteloosheid; Ja dat ons moet ag gee op ‘U waarheid’.

Met diepe ootmoed staan ons voor U ‘o VADER’; Met smeekgebed dat U, U Seun sal toelaat dat Hy Sy ereplek sal kom inneem hier op aarde; Dat YAHUSHA U Gesalfde sal terugkom as ‘YAH’ ons Koning en ewiglik sal kom heers; Dat Hy op Sy troon kan kom sit om oor ons te kan kom regeer.

‘Onse VADER’ U was wakker oor ons onreinheid en het die straf oor ons gebring. U is regverdig by al U werke en ons was ondankbaar. Ons het U werke as vanselfsprekend gesien en nie na YAH se stem geluister nie.

O VADER ‘Grote Majesteit’ ons smee en pleit by U om ons gebed te verhoor; Laat vir U ‘n nageslag in hierdie deel van Suider-Afrika. Moet tog nie die *Yashar’EL* “U uitverkore” vernietig, en die stuk aarde wat U aan hulle toegestaan het, sonder inwoners nie.

‘O VADER’ laat tog volgens al U geregtigheid ‘U toorn’ en ‘U grimmigheid’ versag teenoor hierdie Boervolk; Dié van U gewyde afgesonderde volk wat erken dat ons vaders soos ons oortree het.

U volk in die Suider-Afrika het ‘n voorwerp van versmading en veragting vir die wêreld geword. Die teenstanders verbly hulle in ons smaad, hulle vra: Waar is jou sogenaamde Magtige Heerser wat sal help? Merk tog op dat Ha satans werkers en handlangers ons wil vernietig. Hoor dan nou onse VADER na die gebede van U knegte, en na hulle smeking. Laat ter wille van YAHUSHA ‘U Seun’ U aangesig skyn oor U gewyde afgesonderdes oor ons ‘beking en verootmoedig’.

O VADER hoor en neig U oor en luister na ons belydenis; Open U oë en aanskou ons verwoeste plekke en al die baie moorde, verkragtings en die wetteloosheid; Die land waar U eens ongehoorsame volk woon; Die volk vir wie U asseblief weer U Naam moet uitroep; Ons werp nie ons gebed op grond van ons geregtigheid voor U nie, maar eerder op smeking voor U aangesig; Ja om vergifnis van minagting van U grote Naam .

O VADER, YAHUSHA, het U aan ons bekend kom stel, tog het ons dit deur die eeue geminag; Daarom het U ons aan ‘n slegte gesindheid oorgegee sodat die wêreld U uitverkorenes haat en uitmoor. Dink daaraan dat dit U wil was dat U volk nie aan die wêreld ‘verbonde’ of ‘gelyk’ moes wees nie.

VADER U Seun het heengegaan om vir dié getroues ‘n plek in U huis te berei, want Hy het self gesê: “In die huis van My VADER is daar baie wonings”. Daarom kom ons in verootmoediging en pleit in smeking vandag voor U ‘o VADER’ namens myself, my gesin, my / U volk op ons knieë.

Ons is in nood ‘O VADER’ daarom met groot begeerte smeek ons dat U in ons gebed tot U sal verhoor.

Daarom ‘VADER hoor’; ‘VADER vergeef’; VADER merk op en doen dit.

Vertoef tog nie om U grote Naam ontwil ‘O VADER’. U Seun is ons Magtige Oppehoof wat moet kom in U Naam “YAH” en ons kom regeer.

U grote en Almagtige Naam wat ons geminag het smeek ons weer as volk oor ons uitgeroep.

Kom ‘O VADER’ Ewig-lewende ‘Magtige Heerser’ en werp die aards heersers met hulle trone in die buitenste duisternis. Ons soek nie meer aardse leiers nie, maar U Seun YAHUSHA vanuit die Allerhoogste waar U woon.

‘n Uitroep in verootmoediging na U o mees Getroue, Gewyde, Majestueuse, Magtige, Liefdevolle, Barmhartige, Regverdige en Ewig-lewende

Amein ja Amein! “HalleluYAH”

Mag YHUUH in Sy guns jou raaksien sodat jy deel kan wees van die 144 000 verseëlde.

*Skrif gedeeltes ter staving van gebed.*

Ex. 15:26; Ps. 55:17,18; 103:2-4; Spr. 15:29; 1 Kron.29:10-20; Neh.9; Dan.9; Matt.6:9-13; 26:36-44; Joh.17; Luk.11:2-4